

聖智滑稽迷大隗野童病脊卻師天織塵害性須除削露出元
初妙不傳

養雞

元初悟徹便休心自是無心功更深坐處木雕泥捏似世間何
物敢相侵

承蜩

丈人猶自未忘機蜩翼藏身蜩不知更到鬼神不測處拈來信
手更何疑

狎鷗

已之靈是物之靈已若無心物自甯空界偶然通一線海鷗不

道藏輯要

雲山集

奕

易集六

敢下沙汀

養虎

人心猛過山中虎敢放斯須喜怒生安置本然清靜地兩忘物
我自和平

節猿

勞神爲一不知同有識俱爲造化籠數定倒顛無損益妄生憂
喜怨狙公

蠻觸

妙乏靈跡浩無涯大地全形共一蝸塵世小於頭上角可憐纖
悉謾爭差